

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 23 SEPTEMBER 2013, PUKUL 10.00 PAGI

Bil. 17

PERTANYAAN-PERTANYAAN BAGI JAWAB LISAN

1. PR-1312-L55054
Dato' Shamsul Anuar bin Haji Nasarah [Lenggong] minta **PERDANA MENTERI** menyatakan pencapaian program-program transformasi yang dilaksanakan Kerajaan sehingga kini dan menjelaskan:-
 - (a) pihak atau kumpulan yang mendapat faedah mengikut urutan; dan
 - (b) bagaimana usaha-usaha dilakukan bagi memastikan semua pihak memahami usaha baik ini.
2. PR-1312-L56768
Tuan Lim Guan Eng [Bagan] minta **MENTERI DALAM NEGERI** menyatakan status jenayah, khususnya kes tembakan, mengapa bilangan polis yang terlibat dalam siasatan jenayah tidak ditambah kepada 50% anggota PDRM supaya dapat serta-merta membendung jenayah dan bilakah kekurangan anggota polis dapat diatasi seperti di Pulau Pinang yang mempunyai 5,700 anggota polis tetapi masih kurang 600 orang.
3. PR-1312-L56530
Tuan Ir. Shahrudin bin Ismail [Kangar] minta **MENTERI KEWANGAN** menyatakan kenapa berlaku kenaikan harga minyak. Apakah bentuk tindakan bagi meringankan beban golongan yang berpendapatan rendah.
4. PR-1312-L56747
Tan Sri Dato' Seri Abd Khalid bin Ibrahim [Bandar Tun Razak] minta **MENTERI SUMBER ASLI DAN ALAM SEKITAR** menyatakan adakah mekanisme untuk kos pemulihan alam sekitar sepenuhnya bagi memastikan pihak yang bersalah membayar kembali untuk jenayah yang mereka lakukan memandangkan penalti yang sedia ada adalah amat kecil berbanding dengan keuntungan yang diperoleh.

5. PR-1312-L55958
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **PERDANA MENTERI** menyatakan berapakah jumlah pekerja berstatus kontrak dan status sementara di sektor awam pada masa ini. Apakah perancangan Kerajaan dalam memastikan kebajikan pekerja berstatus kontrak ini terjaga dan penyerapan kumpulan ini ke status tetap.
6. PR-1312-L56775
Dato' Seri Abdul Hadi bin Awang [Marang] minta **PERDANA MENTERI** menyatakan apakah tindakan Jabatan Kemajuan Islam Malaysia (JAKIM) untuk mendidik masyarakat berhubung dengan kepelbagaian mazhab dalam Islam seperti Salafiyah, Asha'irah, Maturidiyah, Wahhabiyah dan lain-lain, ke arah memelihara keharmonian masyarakat Islam di negara ini.
7. PR-1312-L56274
Puan Rubiah binti Haji Wang [Kota Samarahan] minta **MENTERI PERTAHANAN** menyatakan sejauh manakah kejayaan pelaksanaan Strategi Lautan Biru Kebangsaan dan berapakah jumlah penjimatan yang diperoleh oleh Kerajaan.
8. PR-1312-L56625
Tuan Lim Lip Eng [Segambut] minta **MENTERI DALAM NEGERI** menyatakan berapa ramai telah ditangkap di bawah Ops Cantas setakat 16 September 2013 mengikut bangsa, jantina dan negeri. Daripada jumlah itu, berapa ramai yang telah dibebaskan, dibebaskan dengan ikat jamin polis, direman dan dituduh di mahkamah.
9. PR-1312-L55670
Dato' Sri Liow Tiong Lai [Bentong] minta **MENTERI PERDAGANGAN ANTARABANGSA DAN INDUSTRI** menyatakan strategi untuk menggalakkan transformasi Industri Kecil dan Sederhana ke industri pertumbuhan tinggi (*high growth industry*) dan meningkatkan daya saing melalui pemberian geran perniagaan, contohnya melalui SME Corp.
10. PR-1312-L55405
Tuan Nik Mohamad Abduh bin Nik Abdul Aziz [Pasir Mas] minta **MENTERI BELIA DAN SUKAN** menyatakan peranan yang dimainkan oleh International Youth Centre terhadap pembangunan belia di Malaysia dan kos penyelenggaraan bangunannya setiap tahun.
11. PR-1312-L55731
Datuk Wee Jeck Seng [Tanjong Piai] minta **MENTERI PEMBANGUNAN WANITA, KELUARGA DAN MASYARAKAT** menyatakan adakah Kerajaan bercadang untuk mengkaji semula kadar bantuan JKM yang sedia ada memandangkan bantuan tersebut dilihat tidak memadai dengan keadaan kos hidup yang semakin meningkat sejak kebelakangan ini.

12. PR-1312-L55883
Tuan Fong Kui Lun [Bukit Bintang] minta **MENTERI WILAYAH PERSEKUTUAN** menyatakan kedudukan jejantas sekitar Bandaraya Kuala Lumpur dari segi bilangan lama dan baru, kos pembinaan dan penyenggaraan, jejantas bermasalah tidak berfungsi, jumlah notis kompaun yang dikutip kerana tidak menggunakan jejantas, projek-projek baharu dan permohonan untuk jejantas yang ditolak.
13. PR-1312-L55559
Tuan Haji Hasbi bin Haji Habibollah [Limbang] minta **MENTERI KEMAJUAN LUAR BANDAR DAN WILAYAH** menyatakan apakah tindakan yang akan diambil oleh Kementerian terhadap Projek BALB di kawasan Ulu Pandaruan yang mana paip-paip sudah ditanam tetapi bekalan air belum dapat disalurkan.
14. PR-1312-L55742
Dr. Ko Chung Sen [Kampar] minta **MENTERI DALAM NEGERI** menyatakan apa yang menyebabkan jenayah di negara ini dan mengapa terdapat peratusan yang tidak seimbang daripada segi kaum yang terlibat. Adakah kajian yang telah dibuat oleh Kerajaan dan apakah langkah-langkah yang perlu untuk menangani masalah-masalah asas ini.
15. PR-1312-L55123
Datuk Dr. Makin @ Marcus Mojigoh [Putatan] minta **PERDANA MENTERI** menyatakan :-
- (a) tindakbalas Kerajaan mengenai dengan cadangan penubuhan Kerajaan Perpaduan; dan
 - (b) persepsi dan penerimaan rakyat secara umumnya mengenai dengan cadangan tersebut dan faedah dan manfaat yang bakal negara nikmati.
16. PR-1312-L55662
Tuan Ahmad Baihaki bin Atiqullah [Kubang Kerian] minta **PERDANA MENTERI** menyatakan dalam menangani banyak permasalahan yang berlaku di negara ini, termasuk kejadian jenayah, adakah Kerajaan bercadang untuk mengambil ajaran agama Islam sebagai penyelesaiannya termasuklah perlaksanaan hukum hudud.
17. PR-1312-L55428
Dr. Ismail bin Daut [Merbok] minta **MENTERI DALAM NEGERI** menyatakan kerja-kerja pemutihan yang lebih tertumpu pada kawasan industri dan bandar-bandar. Bagaimana pula dengan kawasan-kawasan luar bandar dan pedalaman yang masih terdapat banyak PATI (pendatang asing tanpa izin).

18. PR-1312-L55261
Tuan William Leong Jee Keen [Selayang] minta **MENTERI KESIHATAN** menyatakan langkah-langkah untuk memerangi wabak kencing tikus atau *leptospirosis* yang telah menjangkit 2,775 orang dan 23 mati sehingga 10.8.2013.
19. PR-1312-L56019
Tuan Mohd Rafizi bin Ramli [Pandan] minta **MENTERI KEWANGAN** menyatakan berapakah jumlah peruntukan Kerajaan yang dibelanjakan setiap tahun untuk menanggung perbelanjaan petrol dan diesel YAB Perdana Menteri, YAB Timbalan Perdana Menteri, Menteri-menteri Kabinet dan Timbalan-timbalan Menteri serta kakitangan mereka.
20. PR-1312-L55908
Tuan Che Mohamad Zulkifly bin Jusoh [Setiu] minta **MENTERI PEMBANGUNAN WANITA, KELUARGA DAN MASYARAKAT** menyatakan langkah Kementerian bagi memantau kegiatan peminta derma/sedekah dan pelajar-pelajar termasuk pelajar-pelajar sekolah tahfiz dan pondok yang meminta derma daripada orang ramai seperti di hentian R&R, bank, kedai makan, stesen minyak, dan di tempat awam lain.
21. PR-1312-L55153
Dato' Wira Mohd Johari bin Baharom [Kubang Pasu] minta **PERDANA MENTERI** menyatakan :-
- (a) kelewatan tindakan pihak SPRM menyiasat dan mengeluarkan hasil siasatan terhadap ahli-ahli politik yang berpengaruh, contohnya kes Bazar Tok Guru di Kelantan; dan
 - (b) hasil siasatan terhadap penjual saham jongkong emas yang suatu masa dahulu (2012) mendapat liputan meluas termasuk Bank Negara Malaysia (BNM).
22. PR-1312-L56133
Tuan Manivanan a/l Gowindasamy [Kapar] minta **MENTERI PENDIDIKAN** menyatakan :-
- (a) mengapa Pusat Anak PERMATA Negara dikawal selia oleh Jabatan Perdana Menteri dan bukannya Kementerian Pelajaran dan Pengajian Tinggi; dan
 - (b) apakah usaha Kementerian untuk memperbaiki *ranking* Universiti Awam dalam Negara ke tahap yang lebih membanggakan setanding dan setaraf dengan Universiti-universiti Antarabangsa seperti Harvard dan Oxford.

23. PR-1312-L56165
Datuk Nur Jazlan bin Mohamed [Pulai] minta **MENTERI PERTANIAN DAN INDUSTRI ASAS TANI** menyatakan perancangan Kementerian untuk menangani masalah kenaikan harga barang makanan seperti sayur, ikan dan daging lembu dan sebagainya. Adakah Kementerian bercadang untuk menambah bekalan dengan sumber dalam negara atau melalui pengimportan bekalan tersebut.
24. PR-1312-L56610
Tuan Tan Kok Wai [Cheras] minta **MENTERI DALAM NEGERI** menyatakan berkenaan dengan laporan Polis Cheras/015073/13 yang dibuat pada 11 Julai 2013 oleh Cik Chua Chiew Theng
- (a) adakah sebarang tangkapan dibuat dan apakah status siasatan pihak polis; dan
 - (b) adakah terdapat mana-mana individu di mahkamah bersabit kes tersebut.
25. PR-1312-L56722
Puan Hajah Normala binti Abdul Samad [Pasir Gudang] minta **MENTERI KESIHATAN** menyatakan bilakah hospital di Pasir Gudang akan dibina.
26. PR-1312-L56988
Tuan Ahmad Marzuk bin Shaary [Bachok] minta **PERDANA MENTERI** menyatakan jumlah kes dan kos petisyen pilihan raya yang ditolak sejak Pilihan Raya Umum 1959 hingga kini. Nyatakan apakah usaha dan jaminan Kerajaan bahawa mahkamah pilihan raya bebas daripada campur tangan politik.
27. PR-1312-L55721
Tan Sri Datuk Seri Panglima Annuar bin Musa [Ketereh] minta **MENTERI PERDAGANGAN ANTARABANGSA DAN INDUSTRI** menyatakan Kerajaan berhubung TPPA setelah berbangkitnya lebih banyak penentangan terhadapnya dari pelbagai pihak.
28. PR-1312-L56433
Puan Hajah Fuziah binti Salleh [Kuantan] minta **MENTERI KEWANGAN** menyatakan sama ada pihak Kementerian akan melaksanakan Bajet Peka Gender (*Gender Responsive Budget-GRB*) di dalam mengambil kira peruntukan Bajet tahun 2014 yang akan di bentangkan sesi sidang akan datang ini.
29. PR-1312-L57043
Datuk Madius Tangau [Tuaran] minta **MENTERI PERDAGANGAN ANTARABANGSA DAN INDUSTRI** menyatakan apakah perbezaan antara harga kereta Proton di dalam negara dan di luar negara dan apakah kesan keanggotaan kita dalam TPPA terhadap daya saing kereta Proton.

30. PR-1312-L55822
Tuan Sivakumar a/l Varatharaju Naidu [Batu Gajah] minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah kes pembuangan bayi dari tahun 2009 hingga 2013. Apakah langkah-langkah tegas dan berkesan yang telah diambil oleh Kementerian untuk mengatasi masalah ini.
31. PR-1312-L56677
Datuk Hajah Norah binti Abd Rahman [Tanjong Manis] minta **MENTERI DALAM NEGERI** menyatakan sama ada Kementerian dapat membina sebuah Balai Polis dan menempatkan beberapa anggota keselamatan (PDRM) di Kampung Penipah, Pulau Bruit untuk mengawal keselamatan bagi enam buah kampung di utara-selatan Pulau Bruit yang sebesar negara Singapura dan mempunyai penduduk berjumlah 10,000 orang.
32. PR-1312-L56565
Dr. Tan Seng Giaw [Kepong] minta **MENTERI PENDIDIKAN** menyatakan dalam 10 tahun ini bilangan menteri dan pegawai kanan yang telah menghantar anak-anaknya kepada sekolah kebangsaan atau jenis kebangsaan serta IPTA. Jika ada yang tidak, mengapa.
33. PR-1312-L56750
Dato' Hasbullah bin Osman [Gerik] minta **PERDANA MENTERI** menyatakan bahawa Majlis Fatwa Selangor telah isytiharkan gerakan tarikat sebagai sesat, Gerakan ini berpusat di Kajang mempunyai ramai pengikut di seluruh Negara. Apakah tindakan Kerajaan Pusat memandangkan isu tersebut sama seperti penularan fahaman Syiah yang dianggap sesat.
34. PR-1312-L55847
Tuan R. Sivarasa [Subang] minta **MENTERI DALAM NEGERI** menyatakan kenapa blogger bergelar "Papagomo" atau Wan Muhammad yang ditangkap pada 7 Mei 2013 tidak didakwa.
35. PR-1312-L56388
Datuk Ikmal Hisham bin Abdul Aziz [Tanah Merah] minta **MENTERI PERTAHANAN** menyatakan :-
- (a) sehingga tahun ini berapa ramai dan di manakah anggota tentera Malaysia terlibat dalam misi Pertubuhan Bangsa-bangsa Bersatu (PBB); dan
 - (b) apakah usaha yang dilakukan oleh Kementerian dalam memastikan balu dan anggota keluarga mereka yang terbunuh dalam misi Pertubuhan Bangsa-bangsa Bersatu di luar negara terbela.

36. PR-1312-L55318
Dato' Takiyuddin bin Hassan [Kota Bharu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah langkah berkesan Kerajaan untuk memupuk sikap cinta dan cakna kepada kebersihan di kalangan rakyat dengan mengubah minda mereka supaya tidak meletakkan tugas menjaga kebersihan ini semata-mata kepada Pihak Berkuasa Tempatan.
37. PR-1312-L56918
Dato' Abdul Manan bin Ismail [Paya Besar] minta **PERDANA MENTERI** menyatakan kesediaan Kerajaan mewajibkan nyanyian lagu Negaraku pada setiap pagi di bangunan dan agensi Kerajaan terutama peringkat pentadbiran bangunan Kerajaan Pusat bagi memupuk semangat cintakan negara dalam kalangan semua rakyat.
38. PR-1312-L55290
Tuan Haji Nasrudin bin Hassan [Temerloh] minta **MENTERI PENDIDIKAN** menyatakan mendedahkan hasil kajian penyalahgunaan dadah di Institusi Pengajian Tinggi Awam di Malaysia.
39. PR-1312-L55538
Tuan Ng Wei Aik [Tanjong] minta **PERDANA MENTERI** menyatakan menilai prestasi Kerajaan Persekutuan dalam tempoh 100 hari pertama selepas PRU ke-13 dan apakah usaha-usaha yang telah dan akan diambil untuk memulihkan keyakinan orang awam terhadap sistem ekonomi, tahap keselamatan, proses pilihan raya dan institusi kehakiman yang semakin merosot.
40. PR-1312-L55388
Datuk Ir. Dr. Wee Ka Siong [Ayer Hitam] minta **MENTERI DALAM NEGERI** menyatakan reaksi Kementerian terhadap gejala tembak-menembak yang kian menular sehingga mengganggu-gugat ketenteraman awam:-
- (a) kenapa senjata api semakin mudah diperolehi dan bagaimana PDRM membanteras jenayah berat; dan
 - (b) adakah penggubalan atau pindaan undang-undang diperlukan untuk menangani isu ini.
41. PR-1312-L55130
Dr. Mohd. Khairuddin bin Aman Razali [Kuala Nerus] minta **MENTERI BELIA DAN SUKAN** menyatakan statistik golongan muda di Terengganu yang terlibat dalam bidang keusahawanan.

42. PR-1312-L56982
Dr. Noor Azmi bin Ghazali [Bagan Serai] minta **MENTERI PENDIDIKAN** menyatakan :-
- (a) apakah langkah-langkah Kementerian untuk meningkatkan tahap kesedaran, kefahaman dan kebertanggung jawaban rakyat terhadap keperluan pembayaran semula pinjaman PTPTN ini; dan
 - (b) di samping subsidi terhadap yuran pengajian yang dikenakan oleh IPTA, apakah langkah-langkah lain yang boleh diambil bagi mengurangkan kos mendapatkan pengajian tinggi tanpa menjejaskan kualiti pengajian tinggi negara.
43. PR-1312-L56591
Tuan Liew Chin Tong [Kluang] minta **MENTERI KEWANGAN** menyatakan jumlah bank dan hospital swasta di Malaysia milikan GLC di bawah Program Transformasi GLC serta pegangan ekuiti dari tahun 2001 hingga 2013.
44. PR-1312-L56543
Dato' Seri Ong Ka Chuan [Tanjong Malim] minta **MENTERI KEWANGAN** menyatakan apakah langkah berkesan yang akan diambil oleh Kerajaan untuk mempertahankan nilai mata wang Ringgit yang telah merosot di pasaran mata wang antarabangsa baru-baru ini.
45. PR-1312-L56210
Tuan Tony Pua Kiam Wee [Petaling Jaya Utara] minta **MENTERI DALAM NEGERI** menyatakan :-
- (a) klausa undang-undang yang memberikan kuasa kepada Pendaftar Pertubuhan untuk mengarah sesebuah parti politik untuk mengadakan pemilihan semula; dan
 - (b) sama ada DAP diperlukan untuk mengadakan pemilihan semula akibat 753 wakil parti tidak dimaklumkan mesyuarat pemilihan seperti yang dinyatakan oleh Perdana Menteri.
46. PR-1312-L56098
Datuk Sapawi bin Ahmad Wasali [Sipitang] minta **MENTERI PENDIDIKAN** menyatakan usaha dan pendekatan diambil untuk memberi '*autonomi*' kepada Jabatan Pelajaran Negeri, khususnya di Sabah dalam memastikan pelaksanaan projek berkaitan pendidikan dapat dijayakan secara berkesan.

47. PR-1312-L56769
Tuan Lim Guan Eng [Bagan] minta **MENTERI KEWANGAN** menyatakan sama ada Kerajaan menjamin jumlah bon dan pinjaman 1Malaysia Development Bhd (1MDB) dan sama ada ia melebihi RM38 bilion, nyatakan jenis, tarikh dan jumlah terbitan serta apakah pelaburannya dan pembeliannya, untung/rugi setakat ini serta sejauh manakah ia menafaatkan rakyat Malaysia.
48. PR-1312-L57044
Datuk Madius Tangau [Tuaran] minta **MENTERI PENDIDIKAN** menyatakan bilakah Kerajaan akan melaksanakan penurunan kuasa daripada Menteri kepada Pengarah Jabatan Pendidikan Negeri dalam hal pelantikan Pengusaha Kantin, Penjaga Keselamatan Sekolah, Kontraktor Kebersihan Sekolah dan Pembekal Alat Tulis Sekolah.
49. PR-1312-L56462
Dr. Mohd Hatta bin Md. Ramli [Kuala Krai] minta **MENTERI KEWANGAN** menyatakan apakah bantuan seperti BR1M akan diberikan kepada golongan berpendapatan pertengahan yang terkesan dengan peraturan memendekkan tempoh bayaran balik pinjaman rumah dan kenderaan dan kini berdepan dengan kenaikan harga petrol dan harga barangan keperluan lain.
50. PR-1312-L55445
Datuk Raime bin Unggi [Tenom] minta **PERDANA MENTERI** menyatakan setakat mana pendekatan modal insan seperti tenaga bakat berkemahiran tinggi dalam negara, tenaga profesional Malaysia di luar negara dan tenaga bakat asing berkemahiran tinggi mencapai aspirasi negara bagi memenuhi keperluan tenaga kerja berkemahiran tinggi dalam negara.
51. PR-1312-L57055
Datuk Seri Panglima Haji Abdul Ghapur bin Haji Salleh [Kalabakan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) apakah penyebab sebenar harga rumah di Sabah sudah menjadi yang kedua tertinggi di Malaysia; dan
 - (b) apakah langkah segera yang akan diambil oleh Kementerian untuk menurunkan harga rumah di Sabah agar pemakan gaji dan yang berpendapatan rendah dan sederhana masih boleh memiliki rumah yang dimajukan oleh pemaju komersial.
52. PR-1312-L56476
Tuan Chong Chieng Jen [Bandar Kuching] minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah isi rumah yang masih berada dalam kadar miskin dan miskin tegar di Sarawak. Apakah angka pecahan mengikut kaum-kaum isi rumah tersebut. Berapa jumlah wang kebajikan (*welfare aids*) yang telah disalurkan untuk golongan itu dalam tahun 2010, 2011, 2012 dan 2013 (Ogos) masing-masing.

53. PR-1312-L56932
Dato' Abdul Manan bin Ismail [Paya Besar] minta **PERDANA MENTERI** menyatakan apakah pencapaian yang telah disasarkan kepada Generasi Kedua FELDA di bawah program latihan kemahiran, program pendidikan, program keusahawanan dan projek perumahan FELDA terutama di kawasan Parlimen Paya Besar.
54. PR-1312-L56819
Tuan Gooi Hsiao-Leung [Alor Setar] minta **MENTERI KEWANGAN** menyatakan dan menjustifikasikan kenaikan harga petrol RON 95 dan diesel yang diumumkan oleh Kerajaan pada 2 September 2013.
55. PR-1312-L56095
Dato' Haji Abdul Rahman bin Haji Mohamad [Lipis] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) langkah Kementerian dalam mengatasi masalah penyiapan projek perumahan yang tidak mengikut jadual dan terbengkalai terhadap Projek Perumahan Rakyat (PPR) berasaskan produk IBS yang mana dilihat kurang sesuai untuk dilaksanakan di kawasan luar bandar seperti di Parlimen Lipis ini; dan
 - (b) sama ada membatalkan kaedah ini atau menggunakan sistem yang sedia ada.
56. PR-1312-L55776
Tuan Oscar Ling Chai Yew [Sibü] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan bilangan balai bomba di Sibü, dan perancangan untuk membangunkan Balai Baru di kawasan Sibü terutamanya di kawasan Lanang. Apakah keputusan siasatan kebakaran Kg. Dato Sibü.
57. PR-1312-L55597
Tuan Rozman bin Isli [Labuan] minta **MENTERI KOMUNIKASI DAN MULTIMEDIA** menyatakan apakah punca yang menyebabkan semangat patriotisme di kalangan rakyat pelbagai lapisan semakin luntur di mana, sebagai contoh, pengibaran Jalur Gemilang amat berkurangan sempena sambutan hari kemerdekaan negara baru-baru ini. Apakah langkah-langkah yang diambil bagi mengatasinya.
58. PR-1312-L55940
Tuan Gobind Singh Deo [Puchong] minta **MENTERI KEWANGAN** menyatakan garis masa bila Cukai Barangan dan Perkhidmatan (GST) akan dilaksanakan dan apakah langkah yang diambil Kerajaan memastikan rakyat berpendapatan rendah dapat menampung kehidupan mereka.

59. PR-1312-L56511
Tuan Khoo Soo Seang [Tebrau] minta **MENTERI PENDIDIKAN** menyatakan punca masalah jualan Dimensi 108 di sekolah-sekolah tertentu. Siapakah pihak yang bertanggungjawab dan apakah langkah-langkah pencegahan insiden serupa berlaku lagi.
60. R-1312-L56767
Tuan Lim Guan Eng [Bagan] minta **MENTERI KEWANGAN** menyatakan ekoran Fitch Ratings menyemak semula kredit Malaysia daripada "stabil" ke "negatif", apakah langkah yang akan diambil untuk menambah lebih akaun semasa, memastikan ketelusan dalam hutang Kerajaan Persekutuan mengandungi "*off-balance-sheet funding*" seperti jaminan Kerajaan baik menerusi keluaran kertas kewangan atau bon serta memastikan defisit belanjawan dikurangkan.
61. PR-1312-L55302
Datuk Wira Haji Ahmad bin Hamzah [Jasin] minta **MENTERI KEWANGAN** menyatakan adakah Bank Negara Malaysia (BNM) memikirkan keperluan menggubal semula garis panduan baru pinjaman sewa beli kenderaan dan pinjaman-pinjaman selaras dengan pindaan bagi pinjaman kediaman, bukan kediaman dan pinjaman peribadi bagi mengurangkan hutang isi rumah berbanding Kadar Keluaran Negara Kasar (KDK) yang berada pada tahap membimbangkan hari ini.
62. PR-1312-L56187
Tuan Karpal Singh [Bukit Gelugor] minta **PERDANA MENTERI** menyatakan sama ada Kerajaan bersedia untuk menggubal undang-undang penjara seumur hidup dalam kelas tertentu homisid sepertimana di Singapura dan bukannya hukuman mati mandatori. Jika tidak, nyatakan sebab-sebabnya.
63. PR-1312-L55661
Dato' Sri Liow Tiong Lai [Bentong] minta **MENTERI KOMUNIKASI DAN MULTIMEDIA** menyatakan langkah-langkah yang sedang diambil oleh Kerajaan untuk memastikan syarikat telekomunikasi serius mengurangkan kadar "*dropped call*" yang kini menjadi rungutan pengguna telefon bimbit.
64. PR-1312-L55204
Puan Siti Zailah binti Mohd Yusoff [Rantau Panjang] minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah statistik ibu tunggal di Malaysia mengikut negeri serta apakah pencapaian program khas untuk membangunkan ekonomi dan jati diri keluarga di kalangan ibu tunggal seluruh negara.

65. PR-1312-L56737
Dato' Abd. Aziz bin Haji Sheikh Fadzir [Kulim Bandar Baharu] minta **PERDANA MENTERI** menyatakan status terkini projek-projek Pembinaan Lebuh Raya di Kedah Selatan terutamanya di kawasan Parlimen Kulim Bandar Baharu sama ada masih diteruskan atau telah dibatalkan. Sekiranya dibatalkan, apakah sebab-sebabnya dan sekiranya masih diteruskan, apakah jadual perlaksanaan yang telah di tetapkan.
66. PR-1312-L56178
Tuan Ignatius Dorell Leiking [Penampang] minta **MENTERI PENGANGKUTAN** menyatakan adakah Kerajaan Pusat akan memansuhkan polisi "Kabotaj" di Sabah dengan serta-merta.
67. PR-1312-L56624
Tuan Lim Lip Eng [Segambut] minta **MENTERI KOMUNIKASI DAN MULTIMEDIA** menyatakan sama ada filem Tanda Putera berdasarkan kisah benar punca peristiwa berdarah 13 Mei. Sekiranya tidak, mengapa agensi-agensi Kerajaan terlibat dan duit rakyat RM4.8 juta digunakan dalam penerbitan filem ini.
68. PR-1312-L56668
Datuk Aaron Ago anak Dagang [Kanowit] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan sama ada Kementerian ada membuat kajian ke atas kesan pemberian subsidi minyak petrol, bahan makanan dan pelarasan harga barang keperluan di seluruh negara benar-benar berkesan dan memberikan keuntungan kepada golongan sasaran dan rakyat miskin di luar bandar dibanding dengan pembekal, pemborong dan pekedai runcit barang-barang tersebut.
69. PR-1312-L56069
Puan Nurul Izzah binti Anwar [Lembah Pantai] minta **MENTERI SUMBER ASLI DAN ALAM SEKITAR** menyatakan perkembangan terkini tentang deraf Rang Undang-Undang Akses kepada Sumber Biologi dan Perkongsian Faedah (RUU ABS) untuk melindungi biodiversiti negara, termasuk peraturan pelesenan dan paten untuk kod genetik biodiversiti di Malaysia.
70. PR-1312-L56517
Tuan Khoo Soo Seang [Tebrau] minta **MENTERI DALAM NEGERI** menyatakan sama ada bayi warga negara yang dilahirkan di luar negara diberi MyKid dan apakah prosedur memohonnya.
71. PR-1312-L55225
Tuan Anyi Ngau [Baram] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan jenis-jenis subsidi barangan serta jumlah subsidi pengangkutan yang telah dibelanjakan oleh Kementerian untuk menampung kira-kira 70 ribu penduduk di kawasan Baram setahun.

72. PR-1312-L55370
Tuan Seah Leong Peng [Telok Intan] minta **MENTERI PENDIDIKAN** menyatakan tahap keberkesanan Pentaksiran Berasaskan Sekolah (PBS) pada perkembangan / pencapaian pelajar yang terlibat dan bagaimana pelaksanaan PBS dilakukan pada pelajar secara tiba-tiba tidak hadir ke sekolah pada hari ujian tersebut.
73. PR-1312-L56867
Datuk Haji Abdul Azeez bin Abdul Rahim [Baling] minta **PERDANA MENTERI** menyatakan apakah terdapat sebarang perancangan bagi mewujudkan satu langkah yang tegas atau meminda undang-undang sedia ada bagi membendung masalah penghinaan agama dan perkara yang menyentuh isu-isu hubungan antara kaum sehingga menimbulkan polarisasi antara kaum. Peningkatan yang ketara berhubung isu ini dikhuatiri akan menimbulkan suasana yang tidak selesa di kalangan rakyat.
74. PR-1312-L55679
Tuan Sim Chee Keong [Bukit Mertajam] minta **MENTERI DALAM NEGERI** menyatakan jumlah tahanan Ordinan Darurat (EO) yang dibebaskan, jenis tuduhan asal dan jumlah tahanan EO yang terbukti melakukan jenayah selepas dibebaskan akibat pemansuhan EO serta jenayah mereka.
75. PR-1312-L55819
Dr. Ong Kian Ming [Serdang] minta **MENTERI TENAGA, TEKNOLOGI HIJAU DAN AIR** menyatakan senarai syarikat-syarikat di mana permit FIT mereka telah dibatalkan serta syarikat-syarikat yang telah diberikan tempoh pelanjutan untuk memasang alat menjanakuasa tenaga boleh baharu.
76. PR-1312-L55975
Tuan Haji Zainudin bin Ismail [Jelebu] minta **MENTERI KEWANGAN** menyatakan adakah Kerajaan bercadang untuk mengubah dasar sistem "*blanket subsidy*" terutama subsidi bahan petrol yang ada sekarang kepada sistem subsidi berfokus (*focus subsidy*).
77. PR-1312-L55986
Dato' Sri Azalina binti Dato' Othman Said [Pengerang] minta **MENTERI PEMBANGUNAN WANITA, KELUARGA DAN MASYARAKAT** menyatakan apakah pendekatan-pendekatan baru dan penilaian semula yang perlu dilaksanakan oleh Kementerian untuk memastikan bahawa dalam era selepas PRU 13 ini, kepentingan dan hak-hak kaum wanita diberi prioriti dalam Program Transformasi Kerajaan (GTP).

78. PR-1312-L56800
Tuan Er Teck Hwa [Bakri] minta **MENTERI PENGANGKUTAN** menyatakan bilangan jumlah saman tertunggak JPJ dan adakah kes saman tertunggak ini akan diserahkan kepada pihak ketiga untuk urusan saman mahkamah. Adakah saman tertunggak yang melebihi 7 tahun dan saman tertunggak bagi golongan warga emas, ibu tunggal dan OKU akan dikecualikan.
79. PR-1312-L56757
Dato' Hasbullah bin Osman [Gerik] minta **PERDANA MENTERI** menyatakan apakah usaha-usaha dilakukan oleh Kerajaan bagi memperkasakan pengangkutan awam di kawasan luar Bandar seperti mana kemudahan dinikmati kawasan bandar.
80. PR-1312-L56413
Tuan Loke Siew Fook [Seremban] minta **PERDANA MENTERI** menyatakan secara terperinci rekod pencapaian YAB Perdana Menteri sendiri dari segi dasar, program dan inisiatif baru yang telah diperkenalkan oleh Kerajaan dalam tempoh 100 hari selepas Pilihan Raya Umum ke-13 pada 5 Mei 2013 yang lalu.
81. PR-1312-L56075
Datuk Juslie bin Ajirol [Libaran] minta **MENTERI KOMUNIKASI DAN MULTIMEDIA** menyatakan setakat mana Kementerian komited untuk meningkatkan kadar pengiklanan Syarikat Milik Kerajaan (GLC) di dalam media elektronik seperti mana BERNAMA TV dan RTM terutama dalam aspek penggunaan dan memperkasakan Bahasa Melayu sebagai bahasa kebangsaan.
82. PR-1312-L55207
Puan Siti Zailah binti Mohd Yusoff [Rantau Panjang] minta **MENTERI PENGANGKUTAN** menyatakan apakah tindakan Kerajaan dalam mengatasi masalah banjir kereta sewa dari Thailand (Roadthu) yang semakin berleluasa masuk beroperasi dalam negara kita yang menjejaskan pendapatan pemandu kereta sewa tempatan.
83. PR-1312-L55697
Dato' Dr. Tan Kee Kwong [Wangsa Maju] minta **MENTERI PENGANGKUTAN** menyatakan punca sebenar kelewatan KLIA 2 dan adakah benar tapak berkenaan tidak diiktiraf oleh perunding.
84. PR-1312-L55628
Dato' Haji Irmohizam bin Haji Ibrahim [Kuala Selangor] minta **MENTERI DALAM NEGERI** menyatakan apakah tindakan PDRM dalam membanteras judi haram yang semakin meningkat di seluruh negara terutamanya di Parlimen Kuala Selangor. Berapa banyak serbuan serta bahagian mana di PDRM yang memantau gejala ini. Adakah bahagian ini mencapai objektifnya.

85. PR-1312-L55592
Tuan Rozman bin Isli [Labuan] minta **MENTERI KESIHATAN** menyatakan apakah langkah-langkah yang diambil oleh Kementerian untuk menaik taraf Hospital Labuan dari segi perkhidmatan, infrastruktur dan jawatan Pengarah Hospital agar lebih cekap dan menepati kehendak penduduk tempatan dan warga kerja khususnya dari sektor minyak dan gas.
86. PR-1312-L56568
Puan Teresa Kok Suh Sim [Seputeh] minta **MENTERI DALAM NEGERI** menyatakan bilangan aduan yang diterima oleh Jabatan Pendaftaran Pertubuhan terhadap pemilihan Jawatankuasa Eksekutif Pusat DAP. Kenapakah Jabatan Pendaftaran Pertubuhan tidak mengarahkan MCA untuk mengadakan pemilihan semula memandangkan pemimpin MCA telah mengakui terdapatnya ahli tidak sah (ahli hantu) dan apakah tindakan ROS ini bercanggah dengan fasal 18 dalam Akta Pertubuhan.
87. PR-1312-L56120
Dato' Ir. Haji Nawawi bin Ahmad [Langkawi] minta **MENTERI KEWANGAN** menyatakan warna wang kertas RM10.00 dan RM20.00 hampir sama. Apakah Kerajaan tidak bercadang untuk menukarkan wang kertas RM20.00 ke warna lain agar ada perbezaan warna yang lebih ketara.
88. PR-1312-L55125
Dr. Mohd. Khairuddin bin Aman Razali [Kuala Nerus] minta **MENTERI KEMAJUAN LUAR BANDAR DAN WILAYAH** menyatakan perancangan semasa dan akan datang bagi pembangunan kawasan Kuala Nerus.
89. PR-1312-L55319
Tuan Teo Kok Seong [Rasah] minta **MENTERI SAINS, TEKNOLOGI DAN INOVASI** menyatakan secara terperinci jaminan pihak Kerajaan terhadap rakyat Negeri Sembilan bahawa sisa pembuangan beradioaktif dari Kilang Memproses Nadir Bumi Lynas, Gebeng tidak akan dilupuskan di tapak pelupusan sisa toksik, Pusat Kualiti Alam di Bukit Nenas, Negeri Sembilan.
90. PR-1312-L56541
Dato' Seri Ong Ka Chuan [Tanjong Malim] minta **PERDANA MENTERI** menyatakan apakah langkah yang akan diambil untuk mempertingkatkan bidang profesionalisme dan keberkesanan pegawai dalam pejabat Pendakwaraya, memandangkan kebelakangan ini pihak Pendakwaraya telah gagal dalam beberapa kes pembicaraan yang penting di mahkamah.

91. PR-1312-L55985
Dato' Sri Azalina binti Dato' Othman Said [Pengerang] minta **MENTERI PEMBANGUNAN WANITA, KELUARGA DAN MASYARAKAT** menyatakan statistik dan data yang telah dikumpulkan oleh Kementerian mengenai isu-isu yang melibatkan kaum wanita dan keluarga dalam tempoh 2008 hingga 2013 dan apakah langkah-langkah yang telah diambil dalam tempoh tersebut untuk menangani isu-isu yang dikenal pasti itu.
92. PR-1312-L55241
Dato' Seri Reezal Merican bin Naina Merican [Kepala Batas] minta **MENTERI KEWANGAN** menyatakan pelan tindakan yang bakal diambil oleh kerajaan dalam menangani isu peningkatan hutang isi rumah di Malaysia pada ketika ini. Apakah ada strategi-strategi jangka pendek mahupun jangka sederhana yang bakal dilaksanakan dalam Belanjawan 2014, secara khusus untuk menangani isu yang penting ini.
93. PR-1312-L56190
Tuan Karpal Singh [Bukit Gelugor] minta **MENTERI DALAM NEGERI** menyatakan sama ada Kerajaan bersedia untuk meminda Akta Dadah Berbahaya 1952 dengan menjadikan penjara seumur hidup sebagai alternatif kepada hukuman mati mandatori untuk pengedaran dadah. Jika tidak, nyatakan sebab-sebabnya.
94. PR-1312-L55392
Tuan Seah Leong Peng [Telok Intan] minta **MENTERI SUMBER MANUSIA** menyatakan mengapa Jabatan Tenaga Kerja hanya akan bertindak jika ada aduan yang dilaporkan daripada pekerja. Mengapa tidak ada inisiatif lebih proaktif diambil oleh pihak Jabatan Tenaga Kerja untuk membuat pemeriksaan agar peraturan kerja dipatuhi berlandaskan Akta Buruh.
95. PR-1312-L55175
Dr. Che Rosli bin Che Mat [Hulu Langat] minta **MENTERI SAINS, TEKNOLOGI DAN INOVASI** menyatakan :-
- (a) adakah pihak Kementerian mempunyai hasrat untuk membina kemudahan baru bagi menaik taraf kuasa reaktor nuklear penyelidikan di tapak sedia ada Agensi Nuklear Malaysia, Bangi; dan
 - (b) apakah prasyarat dan jarak selamat bagi pembangunan awam sekitar reaktor nuklear penyelidikan Agensi Nuklear Malaysia, Bangi.

96. PR-1312-L56073
Datuk Juslie bin Ajirol [Libaran] minta **MENTERI DALAM NEGERI** menyatakan :-
- (a) apakah tindakan-tindakan drastik dan susulan Polis DiRaja Malaysia (PDRM) selepas mendedahkan 49 identiti dan aktiviti pertubuhan kongsi gelap yang dikategori haram mengikut Seksyen 5 (1) Akta Pertubuhan 1966 di media massa; dan
 - (b) setakat mana aktiviti pertubuhan kongsi gelap itu menular di peringkat sekolah rendah dan menengah dan apakah PDRM mempunyai kerjasama erat dengan pihak sekolah, Persatuan Ibu Bapa dan Guru (PIBG) dan Pejabat Pendidikan Daerah (PPD).
97. PR-1312-L55739
Dr. Ko Chung Sen [Kampar] minta **MENTERI DALAM NEGERI** menyatakan sama ada Kerajaan akan meningkatkan bilangan anggota polis di negara ini. Sekiranya ya, berapakah peningkatan bilangan anggota keseluruhan dan juga khususnya bagi Jabatan Siasatan Jenayah daripada paras semasa dan berapakah bajet yang terlibat.
98. PR-1312-L55784
Dato' Noraini binti Ahmad [Parit Sulong] minta **MENTERI DALAM NEGERI** menyatakan kesan pemansuhan Ordinan Kediaman Terhad (EO) dan faktor-faktor utama berleluasanya kes-kes bunuh yang melibatkan penggunaan senjata api dan juga kes-kes jenayah berat yang melibatkan senjata api dan kehilangan jiwa sejak akhir-akhir ini dan apakah pendekatan Kementerian untuk menangani masalah ini dengan segera dan juga dalam jangka panjang.
99. PR-1312-L56965
Dato' Kamarul Baharin bin Abbas [Telok Kemang] minta **MENTERI SAINS, TEKNOLOGI DAN INOVASI** menyatakan :-
- (a) setakat mana Institut Farmaseutikal dan Nutraseutikal Malaysia (IPHARM) berjaya menemui dan membangunkan ubat-ubatan potensi komersial sumber asli; dan
 - (b) jumlah ubat-ubatan yang menggunakan sumber semula jadi ini digunakan di hospital-hospital dan klinik-klinik Kerajaan.
100. PR-1312-L56126
Dato' Ir. Haji Nawawi bin Ahmad [Langkawi] minta **MENTERI KESIHATAN** menyatakan adakah Kementerian bercadang untuk menambah bilangan katil pesakit di Hospital Daerah Langkawi dari 110 unit katil pesakit pada masa ini tersebut menjadi 250 unit seiring dengan pertambahan penduduk Langkawi yang mencecah 120,000 orang pada tahun ini dan ditambah kemasukan pelancong lebih kurang 3 juta orang saban tahun.

101. PR-1312-L55743
Dr. Ko Chung Sen [Kampar] minta **MENTERI DALAM NEGERI** menyatakan mengapa terdapat peningkatan mendadak dalam bilangan senjata api haram di negara ini. Daripada manakah sumber perolehan senjata api haram ini dan apakah langkah-langkah yang diambil oleh Kerajaan untuk menangani masalah tersebut.
102. PR-1312-L55342
Tuan Wong Tien Fatt @ Wong Nyuk Foh [Sandakan] minta **MENTERI PENGANGKUTAN** menyatakan adakah kontrak untuk AES akan diambil balik oleh Kerajaan. Jika betul, nyatakan dengan terperinci jumlah ganti-rugi atau pampasan yang dijangka akan dibayar kepada setiap syarikat yang berkaitan, dan kos-kos atau liabiliti yang lain yang mungkin ditanggung oleh Kerajaan.
103. PR-1312-L56865
Datuk Haji Abdul Azeez bin Abdul Rahim [Baling] minta **MENTERI PENDIDIKAN** menyatakan perancangan berhubung isu yang melibatkan peminjam dengan Perbadanan Tabung Pendidikan Tinggi Nasional (PTPTN) dan apakah terdapat sebarang cadangan untuk mengadakan perbincangan “Meja Bulat” dengan pelbagai pihak termasuk pertubuhan bukan Kerajaan (NGO) dan Majlis Perwakilan Pelajar bagi menangani masalah ini.
104. PR-1312-L56385
Datuk Ikmal Hisham bin Abdul Aziz [Tanah Merah] minta **MENTERI PERTAHANAN** menyatakan apakah perkembangan Projek Jiwa Murni yang dilaksanakan oleh Angkatan Tentera.
105. PR-1312-L55238
Dr. Azman bin Ismail [Kuala Kedah] minta **MENTERI KESIHATAN** menyatakan sama ada pihak Kementerian sedar bahawa pengharaman lemak trans di negara-negara seperti Denmark, Belanda dan California telah memberikan hasil yang positif dengan kos yang minima. Apakah ini tidak wajar ditiru.
106. PR-1312-L56252
Datuk Koh Nai Kwong [Alor Gajah] minta **MENTERI PEMBANGUNAN WANITA, KELUARGA DAN MASYARAKAT** menyatakan sama ada Jabatan Kebajikan Masyarakat (JKM) bersedia meluluskan Bantuan Orang Tua kepada mereka yang tidak mempunyai pendapatan (cuma bergantung kepada wang saku daripada anak) yang duduk bersendirian di mana anak-anak mereka yang berpendapatan rendah mempunyai keluarga masing-masing untuk ditanggung.
107. PR-1312-L56815
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan pindaan terhadap Akta Perusahaan 1967 untuk menambahbaikkan kepada pekerja-pekerja dan perundangan negara.

108. PR-1312-L55085
Dato' Haji Mohd Zaim bin Abu Hasan [Parit] minta **MENTERI PENGANGKUTAN** menyatakan adakah Kerajaan tidak mempunyai dasar yang tetap hingga membuatkan Kerajaan meluluskan lesen banyak syarikat penerbangan yang boleh menjejaskan prestasi MAS.
109. PR-1312-L56908
Tuan Mohamed Azmin bin Ali [Gombak] minta **PERDANA MENTERI** menyatakan apakah status cadangan Jawatankuasa Khas Mengenai Rasuah (JKMR) untuk mewujudkan Suruhanjaya Perkhidmatan SPRM.
110. PR-1312-L55442
Datuk Raime bin Unggi [Tenom] minta **MENTERI PENDIDIKAN** menyatakan apakah Kerajaan bersedia menilai semula penempatan pelajar cemerlang kita untuk belajar ke negara-negara luar yang lebih stabil dari aspek keselamatan politik, ekonomi dan geografi fizikal.
111. PR-1312-L55815
Dr. Ong Kian Ming [Serdang] minta **MENTERI PENDIDIKAN** menyatakan jumlah bayaran yang diberikan pada syarikat konsultan McKinsey & Co pada tahun 2012 dan 2013 untuk menyediakan Pelan Pembangunan Pendidikan.
112. PR-1312-L55782
Dato' Noraini binti Ahmad [Parit Sulong] minta **MENTERI KERJA RAYA** menyatakan apakah status pembinaan longkang konkrit daripada Jambatan Batu Pahat sehingga ke Pekan Semerah yang di bawah pengawasan Jabatan Kerja Raya.
113. PR-1312-L55761
Tuan Charles Anthony Santiago [Klang] minta **PERDANA MENTERI** menyatakan adakah Kementerian bercadang untuk membina empat loji tenaga nuklear dan bukan dua. Sudahkah pihak Kementerian mengenal pasti beberapa lokasi dan adakah merancang untuk mengadakan perundingan awam di kawasan-kawasan ini.
114. PR-1312-L55459
Tuan Sim Tze Tzin [Bayan Baru] minta **MENTERI KEWANGAN** menyatakan berapa jumlah wang dihantar balik (*remittance*) oleh pekerja asing berdaftar dan pekerja asing haram untuk tahun-tahun 2010-2012. Nyatakan juga 5 negara penerima wang *remittance* terbesar dan jumlah nilainya masing-masing.
115. PR-1312-L55705
Tuan Haji Mohd Fasih bin Haji Mohd Fakeh [Sabak Bernam] minta **MENTERI KEMAJUAN LUAR BANDAR DAN WILAYAH** menyatakan langkah-langkah Kementerian bagi memperkasakan lebih 30,000 Jawatankuasa Kemajuan dan Keselamatan Kampung (JKKK) di seluruh negara supaya dapat menyumbang dalam pembangunan rakyat dan negara secara lebih berkesan dan menyeluruh.

116. PR-1312-L56661
Tuan Wong Ling Bui [Sarikei] minta **MENTERI PENDIDIKAN** menyatakan jenis-jenis peruntukan yang telah diberikan kepada Sekolah-Sekolah Menengah Jenis Bantuan dan Sekolah-Sekolah Rendah yang beraliran Bahasa Cina di Bahagian Sarikei dalam masa 5 tahun yang lepas dan akan terus diberikan.
117. PR-1312-L55384
Tuan Nik Mohamad Abduh bin Nik Abdul Aziz [Pasir Mas] minta **MENTERI BELIA DAN SUKAN** menyatakan peratus dan jumlah agihan peruntukan setiap tahun bagi bahagian belia dan bahagian sukan dari tahun 2010-2012.
118. PR-1312-L56680
Datuk Hajah Norah binti Abd Rahman [Tanjung Manis] minta **MENTERI KESIHATAN** menyatakan sama ada kementerian dapat meluluskan bajet untuk sebuah Mini Hospital di Bandar Baru Tanjung Manis memandangkan tanah sebanyak 50 ekar telah disediakan oleh Kerajaan Negeri Sarawak dan Bandar Baru Tanjung Manis adalah sebuah pusat pertubuhan ekonomi.
119. PR-1312-L55180
Dr. Che Rosli bin Che Mat [Hulu Langat] minta **MENTERI TENAGA, TEKNOLOGI HIJAU DAN AIR** menyatakan :-
- (a) impak kepada tariff dan pengguna elektrik yang menggunakan 300 kWh ke bawah terhadap penyelarasan harga gas asli yang dijual oleh PETRONAS kepada TNB; dan
 - (b) langkah-langkah meminimalkan impak kepada pengguna awam atau persediaan supaya pengguna awam dapat menerima impak penyelarasan.
120. PR-1312-L55585
Tuan Sim Tong Him [Kota Melaka] minta **MENTERI DALAM NEGERI** menyatakan jumlah kes anggota Polis Diraja Malaysia (PDRM) tembak mati individu ketika menjalankan penguatkuasaan dan penangkapan di antara tahun 2011 hingga 2013. Nyatakan Standard Operating Procedure (SOP) PDRM di dalam situasi yang membolehkan tembakan dilepaskan serta berapakah kes aduan pelanggaran SOP pernah disiasat dan diambil tindakan.
121. PR-1312-L56669
Tuan Liang Teck Meng [Simpang Renggam] minta **PERDANA MENTERI** menyatakan langkah yang diambil untuk menghilangkan ketegangan antara kaum dan mencegah peristiwa seperti Alvin Ng tidak berlaku.

122. PR-1312-L55387
Dato' Ngeh Koo Ham [Beruas] minta **MENTERI PELANCONGAN DAN KEBUDAYAAN** menyatakan jumlah pelancong yang melawat Malaysia dan jumlah yang melawat negeri Perak untuk 5 tahun kebelakangan ini dan jumlah yang dibelanjakan oleh mereka.
123. PR-1312-L55634
Dato' Haji Irmohizam bin Haji Ibrahim [Kuala Selangor] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah perancangan Kementerian dalam membina rumah mampu milik dan rumah transit di Selangor terutamanya di dalam Parlimen Kuala Selangor. Berapakah jumlah rumah mampu milik yang telah dimiliki oleh generasi muda bawah 40 tahun di kawasan Lembah Klang.
124. PR-1312-L56801
Dr. Michael Teo Yu Keng [Miri] minta **MENTERI KESIHATAN** menyatakan langkah-langkah untuk memerangi wabak kencing tikus selain daripada kempen besar-besaran bagi mengatasi penularan wabak kencing tikus yang dilancar oleh Menteri Kesejahteraan Bandar, Perumahan dan Kerajaan Tempatan pada 24 Ogos.
125. PR-1312-L55084
Dato' Haji Mohd Zaim bin Abu Hasan [Parit] minta **MENTERI KESIHATAN** menyatakan langkah tindakan yang diambil oleh Kerajaan dalam mengatasi masalah peningkatan penyakit leptospirosis di dalam negara.
126. PR-1312-L55386
Dato' Ngeh Koo Ham [Beruas] minta **MENTERI PERDAGANGAN ANTARABANGSA DAN INDUSTRI** menyatakan jumlah eksport dan import untuk 5 tahun kebelakangan ini dengan pecahan mengikut sektor-sektor masing-masing.
127. PR-1312-L56276
Dato' Haji Mahfuz bin Omar [Pokok Sena] minta **MENTERI KEWANGAN** menyatakan jumlah wang yang dilabur melalui syarikat kaitan Kerajaan ValueCap Ventures Bhd dan nyatakan jumlah keuntungan bagi tiap-tiap tahun operasi sejak ianya ditubuh.
128. PR-1312-L56055
Datuk Chua Tee Yong [Labis] minta **MENTERI SUMBER MANUSIA** menyatakan adakah Kerajaan bersedia untuk melaksanakan sepenuhnya Skim Gaji Minimum pada 1 Januari 2014. Adakah Kerajaan bersedia menimbangkan bantuan kepada pengusaha Industri Kecil dan Sederhana yang akan menghadapi masalah untuk meneruskan operasi jika Skim Gaji Minimum ini dilaksanakan.

129. PR-1312-L56450
Puan Hajah Zuraida binti Kamaruddin [Ampang] minta **MENTERI DALAM NEGERI** menyatakan berapakah bilangan kes keganasan rumahtangga yang dilaporkan sejak tahun 2010 sehingga kini, kes yang disiasat, bilangan suspek yang dituduh dan pecahan hukuman yang dikenakan.
130. PR-1312-L56189
Puan Teo Nie Ching [Kulai] minta **MENTERI KEWANGAN** menyatakan sama ada biasiswa 1MDB bagi pelajar cemerlang SMPC akan diteruskan pada tahun ini dan sama ada biasiswa ini akan diberi setiap tahun.
131. PR-1312-L56479
Dato' Dr. Mujahid Yusof Rawa [Parit Buntar] minta **MENTERI DALAM NEGERI** menyatakan jenayah tembak yang semakin berleluasa sekarang.
132. PR-1312-L56138
Tuan Manivanan a/l Gowindasamy [Kapar] minta **MENTERI DALAM NEGERI** menyatakan rancangan bagi menubuhkan satu jabatan khas yang memantau dan menangani masalah gangsterism dan gejala jenayah di sekolah di seluruh negara seperti yang dicadangkan Kementerian Pendidikan.
133. PR-1312-L55120
Tuan Wilson Ugak Kumbong [Hulu Rajang] minta **MENTERI KEWANGAN** menyatakan berapa ramaikah penduduk Sarawak [kaum Iban] yang dilantik untuk mengetuai Syarikat Milik Kerajaan Persekutuan [GLC].
134. PR-1312-L56296
Puan Kasthuriraani a/p Patto [Batu Kawan] minta **MENTERI PENDIDIKAN** menyatakan mengapa peruntukan RM30juta belum lagi diberikan kepada sekolah tersebut dan bilakah status SMJK Jit Sin di Pulau Pinang akan ditukar kepada status SMK.
135. PR-1312-L56008
Tuan Mohd Rafizi bin Ramli [Pandan] minta **MENTERI PENDIDIKAN** menyatakan berapakah jumlah faedah tahunan (serta bayaran berkaitan kos peminjaman yang lain) yang dibayar PTPTN kepada pemegang-pemegang bonnya dan institusi kewangan yang memberinya hutang.
136. PR-1312-L56823
Tuan Gooi Hsiao-Leung [Alor Setar] minta **MENTERI PERTANIAN DAN INDUSTRI ASAS TANI** menyatakan sama ada bot nelayan dengan lesen Zon B dibenarkan untuk mengambil nelayan asing bekerja dan sekiranya tidak dibenarkan, kenapa ia tidak dibenarkan.

137. PR-1312-L56960
Dato' Kamarul Baharin bin Abbas [Telok Kemang] minta **MENTERI PENDIDIKAN** menyatakan semenjak melaksanakan moratorium terhadap penubuhan IPTS baharu, berapa banyakkah IPTS terpaksa melalui kaedah penggabungan dan pemerolehan, kolaborasi atau penstrukturan semula demi kelangsungan dan kelestarian sebagai usaha mengatasi masalah kewangan dan juga meningkatkan kualiti program pengajian IPTS tersebut.
138. PR-1312-L55510
Raja Dato' Kamarul Bahrin Shah [Kuala Terengganu] minta **PERDANA MENTERI** menyatakan adakah Kerajaan mengkaji laporan 8 Mei 2013 "Resource Governance Index" (R.G.I.) oleh Revenue Watch Institute sebuah NGO antarabangsa yang mempromosikan keberkesanan, keterbukaan dan akauntabiliti pengurusan sumber asli yang meletakkan Malaysia di tempat 34 dari 58 negara dengan markah 46 dari 100 dan apakah langkah-langkah Kerajaan untuk memperolehi prestasi yang lebih baik.
139. PR-1312-L56414
Tuan Loke Siew Fook [Seremban] minta **PERDANA MENTERI** menyatakan pecahan butir-butir kos secara terperinci yang telah ditanggung oleh Kerajaan untuk menganjurkan Majlis Rumah Terbuka Aidilfitri Perdana Menteri dan Kabinet Malaysia pada 8 Ogos 2013 di Seri Perdana serta nama syarikat "*catering*" yang membekalkan makanan untuk pengunjung dan harga yang dikenakan untuk setiap orang.
140. PR-1312-L55446
Tuan Sim Tze Tzin [Bayan Baru] minta **PERDANA MENTERI** menyatakan bilakah akan melaksanakan Jawatankuasa Khas Parlimen bagi mengawal selia Suruhanjaya Pilihanraya seperti yang diumumkan oleh Perdana Menteri pada 1 Jun 2013. Apakah syarat-syarat terperinci.
141. PR-1312-L56454
Puan Hajah Zuraida binti Kamaruddin [Ampang] minta **MENTERI PERDAGANGAN ANTARABANGSA DAN INDUSTRI** menyatakan apakah insentif yang diberi oleh Kerajaan kepada pengilang yang mengamalkan aktiviti yang mesra alam dan memastikan alam sekitar tidak tercemar dalam mereka mengusahakan hasil kilang.
142. PR-1312-L55232
Dr. Azman bin Ismail [Kuala Kedah] minta **MENTERI PENDIDIKAN** menyatakan pendirian pihak Kementerian terhadap Institut Pendidikan Guru (IPG). Apakah benar IPG sekarang seolah-olah diabaikan dari segi peruntukan kewangan dan penempatan graduan-graduan.

143. PR-1312-L55356
Tuan Wong Sze Phin @ Jimmy [Kota Kinabalu] minta **MENTERI DALAM NEGERI** menyatakan tindakan yang diambil untuk membanteras aktiviti perjudian haram seperti mesin slot dan Perjudian Online di kawasan pekan dan bandar di Sabah. Benarkah terdapat polis dan kakitangan Pihak Berkuasa Tempatan (PBT) yang bersubahat dengan aktiviti perjudian haram dan menyebabkan mereka semakin berani.
144. PR-1312-L55651
Dr. Haji Izani bin Haji Husin [Pengkalan Chepa] minta **MENTERI PENDIDIKAN** menyatakan sejauh manakah perkembangan pembangunan Universiti Malaysia Kelantan (Pengkalan Chepa, Padang Tembak, Bachok dan Jeli). Berapakah peruntukan yang telah dibelanjakan dan berapakah yang diperlukan untuk menyiapkan sepenuhnya pembangunan universiti ini.
145. PR-1312-L56897
Tuan Mohamed Azmin bin Ali [Gombak] minta **MENTERI KEWANGAN** menyatakan :-
- (a) adakah Kerajaan bercadang untuk melaksanakan cukai GST; dan
 - (b) apakah langkah proaktif Kerajaan untuk mengurangkan beban cukai ke atas ekonomi negara. Adakah Kerajaan akan mengurangkan cukai pendapatan individu dan syarikat untuk tujuan tersebut.
146. PR-1312-L56017
Laksamana Pertama Mohamad Imran bin Abd Hamid (B) [Lumut] minta **MENTERI PERTAHANAN** menyatakan sama ada Kementerian akan mengawal pengurniaan pangkat kehormat kepada individu tertentu oleh kerana Veteran Pegawai Kanan ATM melihat pengurniaan yang dilakukan masa kini ternyata sangat mudah dan kurang relevan sehingga dianggap kurniaan tersebut telah menjejaskan nilai sebenarnya.
147. PR-1312-L56443
Datuk Mohd Idris bin Jusi [Batu Pahat] minta **MENTERI SUMBER ASLI DAN ALAM SEKITAR** menyatakan :-
- (a) apakah tindakan-tindakan serta-merta bagi mengatasi masalah hakisan pantai di sepanjang pantai antara Semerah dengan Rengit Batu Pahat ekoran daripada kajian dan cadangan yang dibuat oleh UTHM; dan
 - (b) apakah langkah-langkah yang telah dan akan diambil bagi menampung kerugian dan susah payah rakyat yang terlibat dengan isu hakisan tersebut.

148. PR-1312-L56612
Tuan Tan Kok Wai [Cheras] minta **MENTERI KEWANGAN** menyatakan apakah pelbagai langkah yang akan diambil oleh kementerian demi mengkaji semula trend pertumbuhan GDP 2013 yang diramal akan merosot oleh MIER (Malaysia Institute of Economic Research).
149. PR-1312-L55886
Tuan Fong Kui Lun [Bukit Bintang] minta **MENTERI PERTANIAN DAN INDUSTRI ASAS TANI** menyatakan jumlah makanan import ke Malaysia sepanjang 3 tahun lalu dan negara-negara yang terlibat dan apakah usaha untuk mengurangkan pengimportan makanan bagi menyelamatkan pertukaran asing.
150. PR-1312-L55681
Tuan Sim Chee Keong [Bukit Mertajam] minta **MENTERI DALAM NEGERI** menyatakan statistik kes rogol, *incest*, cabul, gangguan seksual, liwat mengikut pecahan gender, umur, kaum, hubungan dengan pendera dan tempat kejadian serta berapakah kes yang berjaya disabitkan kesalahan antara tahun 2010-2013.
151. PR-1312-L57060
Datuk Ahmad Jazlan bin Yaakub [Machang] minta **PERDANA MENTERI** menyatakan punca cuti umum berkaitan Islam yang tidak seragam antara negeri-negeri dan nyatakan langkah bagi menyeragamkan cuti-cuti berkenaan.
152. PR-1312-L55376
Datuk Ir. Dr. Wee Ka Siong [Ayer Hitam] minta **MENTERI KEWANGAN** menyatakan langkah-langkah drastik yang akan diambil oleh Kerajaan Malaysia setelah kemerosotan rating antarabangsa seperti "*Fitch Rating*" yang boleh menjejaskan keyakinan pelaburan asing ke negara kita.
153. PR-1312-L55519
Dato' Fauzi bin Abdul Rahman [Indera Mahkota] minta **MENTERI KEWANGAN** menyatakan sebab-sebab secara jelas dan nyata akan mengapa hendak diteruskan perlaksanaan GST (Goods and Services Tax) walaupun sudah sedia maklum yang tindakan itu akan meningkatkan harga barangan yang akan membebaskan rakyat yang sudah sememangnya terbeban dengan harga barangan yang tinggi.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri di Jabatan Perdana Menteri**

- * Rang Undang-undang Akta Profesion Undang-undang (Pindaan) 2012 (Pindaan) 2013

2. **Menteri di Jabatan Perdana Menteri**

- * Rang Undang-undang Profesion Undang-undang (Pindaan) 2013

3. **Menteri Kewangan**

- * Rang Undang- Undang Perbekalan Tambahan (2013) 2013

* Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. (D.R. 5/2013) Rang Undang-undang Akta Profesion **Bacaan Kali**
Undang-undang (Pindaan) 2012 (Pindaan) **Yang Kedua**
2013

[Menteri di Jabatan Perdana Menteri]

2. (D.R. 6/2013) Rang Undang-undang Profesion Undang-undang (Pindaan) 2013 “

[Menteri di Jabatan Perdana Menteri]

3. (D.R. 7/2013) Rang Undang- Undang Perbekalan Tambahan (2013) 2013 “

[Menteri Kewangan]

4. PR-1312-U56793
Dato' Abd. Aziz bin Haji Sheikh Fadzir [Kulim Bandar Baharu]
akan mencadangkan:-

"Bahawa Dewan ini meminta Kerajaan Malaysia menyatakan pendirian secara tegas untuk tidak bersetuju dengan apa jua kaedah menumbangkan Kerajaan selain dari kaedah demokrasi. Pada masa yang sama memainkan peranan penting untuk meminta bantuan OIC dan komuniti antarabangsa bagi mengembalikan Mohamad Morsi kepada jawatan Presiden Mesir ataupun mendesak Kerajaan Mesir mengadakan pilihan raya umum dalam masa terdekat demi mengekang dan menghentikan keganasan dan pembunuhan rakyat Mesir yang sedang berlaku."

(Kementerian Luar Negeri)

5. PR-1312-U56794
Dato' Abd. Aziz bin Haji Sheikh Fadzir [Kulim Bandar Baharu]
akan mencadangkan:-

"Bahawa Dewan ini mengesa agar diwujudkan Jawatankuasa Khas Parlimen untuk mencapai persetujuan semua pihak agar Kalimah Allah hanya boleh digunapakai di dalam konteks agama Islam dan tidak boleh dibahas secara terbuka untuk kepentingan politik mana-mana pihak."

(Perdana Menteri)

6. PR-1312-U55173
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ramai golongan belia di negara ini terutama sekali dari golongan graduan yang masih tidak bekerja dan tidak mempunyai pendapatan. Dan mengambil maklum juga, bahawa kebanyakan golongan graduan ini sedang menghadapi masalah untuk membuat pembayaran balik pinjaman mereka terutama sekali pinjaman perbadanan tabung pendidikan negara-PTPTN dan berisiko untuk disenaraihitamkan dalam sistem CRISS. Dan mengambil maklum juga bahawa, walaupun terdapat banyak program keusahawanan yang dianjurkan oleh pihak Kerajaan, seperti Majlis Amanah Rakyat-MARA, Yayasan Inovasi Malaysia dan lain-lain agensi Kerajaan, namun masih ramai lagi kalangan belia kita yang tidak mengetahui mengenai dengan program tersebut, mungkin kerana kurangnya sebaran mengenai program tersebut. Dan mengambil maklum juga bahawa, ramai golongan belia di negara ini mempunyai minat ataupun hobi yang boleh dimanfaatkan secara positif bagi tujuan pengkomersilan sekiranya dikembangkan di mana sekali gus dapat menjana pendapatan negara. Maka, bagi menangani masalah pengangguran di kalangan belia terutama sekali golongan graduan, Dewan ini hendaklah mengambil ketetapan bahawa, pihak Kerajaan hendaklah memperbanyakkan lagi program keusahawanan berorientasikan minat atau hobi golongan belia tersebut, serta promosi terus kepada golongan sasaran melalui pengkalan data Kerajaan terutama sekali pengkalan data para graduan."

(Kementerian Perdagangan Antarabangsa dan Industri)

7. PR-1312-U55107
Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum kebelakangan ini ramai orang dibunuh dengan sewenang-wenangnya kerana dengan mudah boleh memperolehi senjata api. Dan perasaan takut menghantui rakyat. Dewan ini menggesa pihak polis untuk menumpukan kepada isu ini agar suatu penyelesaian dapat diambil untuk membanteras kegiatan tembak-menembak ini. 125 syor-syor oleh Suruhanjaya Diraja Polis pada tahun 2005 hendaklah dilaksanakan dengan sepenuhnya dengan kadar segera."

(Kementerian Dalam Negeri)

8. PR-1312-U56596

Dr. Tan Seng Giaw [Kepong] akan mencadangkan:-

"Bahawa dewan ini membahaskan Trans Pacific Partnership Agreement (TPPA) dan peranan Malaysia di dalam perundingannya."

(Kementerian Perdagangan Antarabangsa dan Industri)

9. PR-1312-U56602

Dr. Tan Seng Giaw [Kepong] akan mencadangkan:-

"Bahawa Dewan ini memperbincangkan perkembangan perhubungan kaum sejak Kemerdekaan Malaysia."

(Perdana Menteri)

10. PR-1312-U56986

Tuan Surendran a/l K. Nagarajan [Padang Serai] akan mencadangkan:-

"Bahawa Dewan ini telah mengambil perhatian bahawa tempoh notis berkenaan pertanyaan-pertanyaan (*questions*) menurut Peraturan 22(2) selama 14 hari bekerja sebelum mesyuarat dimulakan adalah tempoh yang terlalu panjang, tidak munasabah dan membantutkan keberkesanan sesi pertanyaan-pertanyaan sebagai suatu cara bagi memastikan akauntabiliti Kerajaan kepada Dewan ini; dan meminta Kerajaan membawa usul untuk meminda Peraturan Majlis Mesyuarat untuk memendekkan tempoh notis kepada 2 hari sebelum hari bila mana pertanyaan itu akan dijawab."

(Perdana Menteri)

11. PR-1312-U55499

Tuan Hee Loy Sian [Petaling Jaya Selatan] akan mencadangkan:-

"Bahawa Dewan mempertimbangkan cadangan Malaysian Association of Foreign Maid Agencies (PAPA) untuk menaikkan fi pengambilan pekerja kepada RM6700 oleh majikan dan RM1800 oleh pekerja domestik. Memorandum Persefahaman (MOU) yang ditandatangani Kerajaan Malaysia-Indonesia, yang menetapkan fi tetap pada RM4,511; RM2,711 dibayar oleh majikan dan RM1,800 oleh pekerja domestik jelas menunjukkan agensi pekerjaan mengaut keuntungan yang tinggi melalui pemerdagangan ini. Ia akan membawa kepada tangga gaji yang rendah kepada pekerja domestik untuk sekurang-kurangnya 6-9 bulan.

lanya juga bercanggah dengan Akta Pekerjaan (Artikel 24-8) yang menghalang majikan menolak gaji sehingga 50% dan bercanggah dengan Prosedur Operasi Piawai (Standard Operating Procedure) di bawah Akta Anti-Pemerdagangan Manusia di mana sekiranya gaji tidak dibayar untuk tiga bulan atau lebih, maka majikan boleh didakwa kerana eksploitasi."

(Kementerian Dalam Negeri)

12. PR-1312-U55500

Tuan Hee Loy Sian [Petaling Jaya Selatan] akan mencadangkan:-

"Bahawa Dewan ini mendesak agar segala projek pembangunan yang dibina di kawasan Bukit Gasing dihentikan agar hakisan tanah dan penduduk di kawasan pinggir bukit tidak hidup dalam ketakutan setiap kali hujan turun."

(Kementerian Wilayah Persekutuan)

13. PR-1312-U56272

Tuan Manivanan a/l Gowindasamy [Kapar] akan mencadangkan:-

"Bahawa Dewan mempertimbangkan cadangan untuk membenarkan keluarga mangsa yang mati dalam tahanan Polis Diraja Malaysia, memperoleh Pakar Perubatan Forensik sendiri bagi menjalankan bedah siasatan."

(Kementerian Dalam Negeri)

14. PR-1312-U56273

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam di dalam membendung gejala sosial yang kian meningkat dan berleluasa akibat daripada kegagalan sistem pendidikan di Malaysia."

(Kementerian Pendidikan)

15. PR-1312-U56886

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini membincangkan Malaysia selaku anggota Mahkamah Jenayah Antarabangsa agar membawa kes ke Mahkamah Jenayah Antarabangsa supaya semua pelaku jenayah pembunuhan beramai-ramai yang berlaku di Mesir sekarang ini didakwa ke muka pengadilan di peringkat antarabangsa."

(Kementerian Luar Negeri)

16. PR-1312-U56893

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini mengesa Kerajaan meningkatkan usaha diplomatik di kalangan anggota ASEAN agar muafakat dapat dicapai untuk menangani krisis pencemaran alam sekitar yang kerap berulang setiap tahun. Kerajaan juga mengarahkan Pejabat Pendakwa Raya untuk mengkaji dan mengambil tindakan undang-undang dan seterusnya dibicarakan di mahkamah apabila berlaku isu pencemaran alam sekitar yang melintasi sempadan antarabangsa".

(Kementerian Luar Negeri)

17. PR-1312-U56896

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini memperbahaskan komitmen Kerajaan Persekutuan mengekalkan subsidi kepada petrol, bahan-bahan api, makanan dan barang-barang keperluan asas pada tahap yang memuaskan supaya inflasi dapat dikawal dengan berkesan".

(Kementerian Kewangan)

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2013</u>	<u>RISALAT/DOKUMEN</u>	<u>TARIKH DIBENTANGKAN</u>
CMD.24	Anggaran Perbelanjaan Mengurus Tambahan Pertama, 2013	23 September 2013
CMD.24A	Memorandum Perbendaharaan Mengenai Anggaran Perbelanjaan Mengurus Tambahan Pertama, Tahun 2013 Bagi Kerajaan Malaysia.	23 September 2013

UCAPAN-UCAPAN PENANGGUHAN

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 23.9.2013 (Isnin)	1. YB. Tuan Er Teck Hwa (Bakri)	1. Pemeliharaan dan Pemuliharaan Tapak Warisan Bersejarah di Johor	1. YB Menteri Pelancongan dan Kebudayaan
2. 23.9.2013 (Isnin)	2. YB. Tuan M. Kulasegaran (Ipoh Barat)	2. Perlunya Kerajaan Untuk Mengiktirafkan Ijazah Perubatan Crimea State Medical University (CSMU)	2. YB Menteri Kesihatan